

Khris' Suangphum

Suangphum Iepkhitsa Ioungal suangphum dang kuamah in a lem theita kei, huai suangphum Jesu Khris ahi - 1 Kor. 3:11

Vol. XIX. No. 6

Private circulation

February 7, 2021

KHA A HING I HIHLEH...

"Kha a hing i hihleh kha mah ah I om diing uh - Galatiate 5:25.

- Jamson Guite -

"Nou leng na tatekna uleh na khelnate uh ziaak a sin na hihlai un ahon hih hing hi. Huaite ah tuma lam in hiai Khovel dan bang in huihkua a thuneipa, tua thumanglou tate sung a semlelpa kha deihdan in na khosa uhi. Huai thumanglou tate lak ah eite leng tuma lam in sa duhgawlina hih in, I sa utnate bang in I omnak ua, midangte mahbang in thangpaihna ta a piang ihi uhi. Himahleh hehpihna hau Pathian in, itna thupitak a hon it ziaak in tatekna ziaak a si hihlai in Khris toh ahon hihhing a, hehpihna a hotdam na hita uhi" (Ephesate 2:1-5).

Hiai Bible tang a I muh Ephesa khua a gingtute/Saptuamte mahbang in eite leng I tatekna uleh khelnate uh ziaak a si i hihlai in Pathian in Khris ah ahon hihhingte ihi uhi. Khovel dan bang a khosa in, sa duhgawlina hih in I sa utnate bang in ina om uhi. Himahleh hehpihna hau Pthian in I tateknate ziaak a si i hihlai in a hehpihna ziaak in a Tapa Khris toh ahon hihhingta. Tua ahihman in eite tuh sa a hing hinawntalou in kha a hingte I hizawta uh. Huaiziak mah in Sawltak Paul in gingtute kiang ah "**Kha a hing I hihleh kha mah ah I om diing uh**" (Galatiate 5:25) ana chi hi.

Hehpihna hau Pathian in a itna thupitak a hon it in, tatekna ziaak a si hihlai ua a Tapa toh hon hihhingte I hihtak ziaak un Khris ate I hi uhi. Khris Jesu a hita ihihman un kha a hing a sa a lunggulhna leh duhgawlinate I sihsan diing uh ahi. Sawltak Paul mah in Khris Jesu a hihte om diing dan Galatiate kiang a alaikhak ah hiai bang in ana gen hi. "**Khris Jesu a hitate'n sa a lunggulhna leh a duhgawlina toh a kilhdenta uhi**" (5:24). Huaiziak in kha a hing a Khris Jesu a hitate'n tuh sa lunggulhna leh duhgawlinate I sihsan ua, huaite apan I kisuksiang diing ahi.

I sihsansa uh sa thilhihte tuh: **angkawmna, kingiahna, thanghuaina, hukna, milim biakna, bumna, huatna, kinakna, hazatna, hehna, kilanna, omtuamna, gintuamna, deihgohna, tualthahna, zumunnopna, zukhamna**. Hiai bang

sa thilhihte sihsanlou a ching mite'n Pathian gam a luahtheikei diing uhi (cf. Galatiate 5:19-21). Eite tuh siangthou leh dembei a om a kha a hing diing a leitung pian ma a Pathian in honna telkhitsa I hi uhi (Ephesate 1:4).

Kha a hing ihih ngalleh sa a lunggulhna leh a duhgawlina, sa thilhihte I tawpsan ban ah kha a hing a kha gah I suan diing ahi. "**Kha gah ahihleh itna, kipahna, lemna, thuaktheihna, nunnemna, kidektheihnate ahizaw uhi**" (Galatiate 5:22-23). Kha a hing hingal a kha apan hong gakhia **itna bang, kipahna bang, lemna leh thuaktheihna bang, nunnemna leh kidektheihnate** ei a muh diing a omkei maimah lehelbel diklou diing hi.

Kha a hing ihih ngal leh sa ah hilou in, kha mah a I om diing uh. Kha a om mite'n sa utna a hihtangtung ngeikei uhi. Sa a omte mah ahi sa utna hihtangtungte. Sa leh kha a kikalh ua, sa in kha a dou a, kha in leng sa a dou naknak hi. Huaiziak in sa thilhihte I tangtung louhna diing un kha mah a I om gige diing uh.

"**Huchi in hiai ka chi ahi, kha ah om un, huchi in sa utna na hih tangtungkei diing uhi. Sa in kha a dou nak a, kha in leng sa a dou hi; thilhih na tupte uh na hihtheihlouhna diing un huaite a kikalh uh ahi**" (Galatiate 5:16-17).

†††

PLACE OF WORSHIP

UCI Building,
Sector - VI. RK Puram,
New Delhi - 110022

Phone No. 9953968807

website : www.cocdelhi.org

**'KHRIS' SUANGPHUM, A WEEKLY BULLETIN FOR
THE MEMBERS OF THE CHURCH OF CHRIST, DELHI,
ON THE FIRST DAY OF THE WEEK'**

Enkaitu : Jamson Guite

BIBLE CLASS

Class

Adult : Khenpi, Siamkhanmuan
Inter. : James & Jamson
Junior : Ginsuan & Suanlian
Primary : Minlun & Niangngaihching
Beginner : Chingkhanlun & Pauliansiam

Teacher

TOUPA NI THILPIAK

Date 31.01.2020 - ₹ 38,833/-

THOUGHT OF THE WEEK

**A gentheih ziak in, genthei lok ken, kongpi
ah gimthuak leng nuaisiah sam ken
(Paunakte 22:22).**

THU TUAMTUAM

THU TUAMTUAM

BIAKNA PROGRAM

Toupa Ni' (7/02/2021)

Hun-uk thumna : Thongginlian
Lapi : Seilienmang
Thilpiak : Kammuanlal
Theihgigena : Janglet
Thugen : Jamson
Thumna : Ginlian

BIAKNA PROGRAM

Toupa Ni' (14/02/2021)

Hun-uk thumna : Thangzalam
Lapi : Jangminthang
Thilpiak : Chinsuanmung
Theihgigena : Lang James
Thugen : Nekkhothang
Thumna : Sei Robert

HONGTUNG

☛ Unaupa Chinsuanmung kal paita Toupa Ni in dam in Delhi hongtung ki-knawnta hi. A zi unaunu Rose Vungngaihmun a damlouh ziak in unaupa kia hong paiphot hi.

☛ Unaunu Margreeta leng sawt-kuamtak ava zinkhiak nung in dam in Delhi hongtung nawnta hi.

BIBLE CLASS KIPAN NAWNTA

☛ Gelkholhsa dungzui in tuni apan Bible class pat hinawnta diing. Pan theinawn a i omziak in i kipak uh. Kua-peuh in poimohngaih in lungluttak in i tel siausiau diing uh. Nelhsiah kei ni.

NGAPLOU

☛ Kal masa apan in unaupa Thang-douliau ngaplou in ana om a kal paita Toupa Ni leng hong kikhom zoulou hi. Khosik in a taksa pum nasa a covid test leng ana hih mahleh uh negetive hi. Tun bel a hoihnam hita.

UCI AH KIKHOP HITA DIING

☛ Restriction bangmah omlou a UCI building zat theih nawnta diing chih thu a kimuh ziak in tuni apan huai mun zat hita diing. A hun ahihleh a mun neite'n nitaklama dak 4:30 hon piak ziak un hihtheih omlou tadihphot ahiman in 4:30 mah a pat hi diing hi. Unaute'n chiamteh chiat ni.

MEETING OM DIING

☛ Lemlouhna ahong omthak kei leh gelkholhsa bang in ahong tung diing kiginni Chiang in unaupa Thangbiak-lun-te inn ah Saptuam business meeting neih hi diing. Unaute'n ngaipoimoh chiat diing in i kingen hi.

KHAKKHIK HITA

☛ Kha Namsau sut khith ahiah toh kition in mundang a omte a diing khak khiak hita. Eilak a tangkha nailou i omleh laktheih lai diing ahi. Lachiat in sim chiat ni. Sim diing a i sut ahi.

SAM 119:1-5

Lampi a mi hoihkimte'n nuam a sa uhi, Toupa dan zuite'n.

A thu theihskakte zuite'n nuam a sa uh, lungtang tengteng a amah zongte'n.

Ahi, amau diktatlouhna a hih kei ua: A lampite ah a paizel uhi.

Nang nathuzohna thute phatuamngai tak a, zui diing in thu non pia hi.

Aw, na thusehte zui diing in ka omdante hihkip in om leh aw;

DID YOU KNOW...?

John Wright

The Bible was written by about forty men over a period of 1,600 years. It was divided into chapters and verses in 1250 by Cardinal Hugo. (The New Testament was divided into verses by Robert Stephens in 1551.) The Bible contains 3,566,480 letters, 773,746 words, 31,102 verses, 1,189 chapters and 66 books. The average word in the Bible contains fewer than 5 letters.

The words "Jehovah" and "Lord" occur 8,708 times and the word "reverend" occurs only once (Psalm 111:9) referring to God. The Old Testament was translated into Greek in 270 B.C. The Bible is the first printed book. It was first reprinted in 1450. The first Bible printed in America was in an Indian language in 1663.

The Bible is the best seller in the world, printed in most of today's tongues. It is the only Book that reveals the origin, mission and destiny of man. It is a textbook on salvation. There is no conflict between the Bible and true science.